

Pernikahan PM-Jeanne dapat perhatian media Indonesia

JAKARTA 10 Jun - Akhbar-akhbar utama di Indonesia hari ini turut memberikan tumpuan terhadap laporan berita tentang pernikahan Perdana Menteri, Datuk Seri Abdullah Ahmad Badawi dengan Datin Seri Jeanne Abdullah yang berlangsung di Putrajaya, semalam.

Akhbar *Seputar Indonesia* menyiarkan berita pernikahan kali kedua Abdullah itu

dengan gambar berwarna bersaiz besar merentangi muka depannya.

Gambar yang diberi tajuk *Panjatkan Doa* itu menunjukkan Abdullah dan Jeanne serta keluarga memanjatkan doa di hadapan pusara isteri pertama Perdana Menteri Malaysia itu, Allahyarham Datin Seri Endon Mahmood.

Laporan beritanya pula diberi tajuk *Publik*

Malaysia Sambut Hangat Pernikahan Badawi yang antara lain menyebut kebahagiaan terpancar daripada wajah Abdullah, 67, setelah rasmi menjadi suami Jeanne, 54, semalam.

Bahagian kedua muka depan akhbar terkemuka *Republika* pula menyiarkan foto bersaiz besar yang memaparkan gambar Abdullah dan isteri barunya ber-

jalan untuk mengunjungi pusara Endon.

Berita bersumber dari Pertubuhan Berita Nasional Malaysia (*Bernama*) yang dipetik agensi berita asing itu disiarkan di muka tiga akhbar berkenaan.

Akhbar *Media Indonesia* pula menyiarkan gambar besar Abdullah yang memimpin tangan Jeanne sejeurus selepas menziarahi pu-

sara Endon.

Beberapa media massa lain termasuk media elektronik detik.com juga menyiarkan berita pernikahan Abdullah, termasuk sejak pengumuman mengenainya dibuat oleh Jabatan Perdana Menteri beberapa hari lepas.

Laman web itu turut menyiarkan foto rasmi Jeanne.